



90689

隨輦集卷第五

日講官起居注詹事府少詹事兼翰林院侍講學士

高士奇

泛舟西苑

命採水中蓮實攜歸

并序

閨苑秋光得庾肩吾之句青潭曉靄賡徐彥  
伯之篇舒菡萏於方塘紅英度影翫芙蓉於  
曲榭碧葉浮香若斯撫景畱連靡不尋聲唱  
答况乎廻翔

舜海在沐日浴月之中泝泳

堯淵極引水穿雲之樂檻棲花鷁非同鷗鷺閒

隨輦集

卷五

一

汀橋落彩虹不是烟波小艇微涓莫補

寵渥難名竊念

臣

跡本投竿心隨偃草似孤根

之偶出品實遜乎亭亭擬短榦之方搖榮已

邀於灼灼時則涼飈旣拂大火初流槎辭巧

夕之雙星莫紀中甸之三葉覩滄池之潏沈

當秋宇之澄鮮

上乃蔭芝蓋以逍遙盪蘭舟而容與白蘋紫荇到

處縈川翠羽紅鱗紛來入鏡尤喜細荷之出

水遍看珠葍之盈房

特命移艫容

臣

舉袖纔催進楫卽分鳧雁之輝許

帶歸鞍寧羨櫻桃之賜擎盤散馥濺齒流甘  
緬維曩賢所談盛事陪遊灞漣亦號殊恩應  
制昆明群矜絕響何似飛艫畫舸一如漁簑  
釣笠之輕兼者仙液華腴不異菰米蓴絲之  
易真屬千秋之浩蕩未酬畢世之津涯爰紀  
八章敬疏短引江南靡艷之曲不敢瀆奏乎  
宸聰渚北悃欵之言未足敷揚夫

聖澤云爾

芙蓉池水湛天淵蘋末風輕破浪圓碧島丹  
崖方丈裏有誰來泛採蓮船

隨輦集

卷五

二

其一

曲渚蒹葭翠作圍新涼殘暑淡斜暉輕翻兩  
槳移舟入驚起沙邊白鷺飛

其二

風牕露檻接層居水氣澄鮮浸太虛自是  
君恩深澍灑特教天上看芙蓉

其三

鷓首風回撲面香青荷葉底摘金房剖來滿  
齒流瓊液不羨仙人掌上漿

其四

其五

垂虹百尺壓鰲頭錦石疎花帶淺流遙見西  
峯開罨畫暮蟬聲裏變新秋

其六

綺岸銀塘倚棹過雞頭菱角漾清波臣今不  
作西湖憶烟水菰蘆興已多

其七

水榭紅闌面面低玉題金埒隔東西綠陰交  
蔭松篁裏惟有水禽無數啼

其八

隱隱輕雷送雨濃迴看柳色映千重片雲忽

隨輦集

卷五

三

斷月初出歸路時聞花外鐘

恩賜內廐白馬

御用鞍轡一具恭紀

月駟雲螭骨相殊曾隨

六御上天衢雙眸夾鏡光如電四足凌霜汗有  
珠寶勒玲瓏金絡索銀鞍照耀錦鞵毬

聖朝輿略通青海努力還恩盡一驅

其二

內右門前

口敕宣龍媒騶裏出居延慳從金埒初調後產自

黃淹入貢年踏雪漫嘶紅叱撥看花遠騁鐵  
連錢晚來騎向長安陌夾路人爭羨着鞭  
恩賜錦蟒紫貂朝服恭紀

進裘時序早寒生青紫俄頒出

睿情退食已歌絲五絨登

朝群羨飾三英光添畫燭趨晨漏色映鳴珂散  
午晴七尺微軀長舞蹈通明殿下聽臚聲

庚申除夕侍宴

乾清宮恭紀

春殿龍蔥淑氣蟠長筵初奉萬年懽沉香庭

隨輦集

卷五

四

燎爭迎歲舞綵宮儼欲送寒仙醴醉沾金鑿  
落嘉珍叨

賜碧琅玕

蒙口敕賜  
橄欖解醜

還鑣更待銅龍曙要識明

良際會難

辛酉元旦侍宴

乾清宮恭紀

重門洞啓象昭回旭日祥風下九垓仙葉紀  
時生砌莢香奩作勝剪宮梅鸞鳴迭奏停雲

響鼠飲難消湛露杯

臣量不勝酒蒙賜  
金巨觥不覺大醉

共慶

昇平正無限萬方長此樂春臺

上元侍宴

乾清宮恭紀

青陽晴靄散金鋪百辟分行渥大酺春早暗

驚紅藥馥

筵前牡丹絳桃時已盛開

夜深添給紫琳腴一

輪明月光三陞萬朶華燈照九衢二十年來

霑雨露真同造化發洪爐

其二

畫燭紗籠燦紫霄瑞雲捧處御香飄魚龍天

矯千重色烟火光芒百尺遙

觀德殿前賜觀烟火

席地

簪纓多衛霍當筵管籥盡松喬鵷班濫竊臣

隨輦集

卷五

五

何幸北斗樽前頌

帝堯

駐蹕馬蘭谷

今多呼作峪

賜觀溫泉應

制并序

蓋聞炎精所蘊氣蒸山下之蒙陽德方升暖

應谷中之律惟聖人出而地不愛寶斯靈澤

通而天其降祥茲溫泉者邇薊苑之神臯當

漁陽之勝地一峯獨秀湧瑤波銅浦之奇二

水分流具養德和神之用恭遇我

皇上格天大孝我

太皇太后應地弘慈御此仙源聿增景福爰選  
萬幾之暇時乘六龍以從雲輶引鸞輅齊驅孝推  
一本野日共山花俱粲慶溢九垓斯

帝室之鴻庥洵天倫之樂事然循源甃石不聞唐  
宗增飾之勞緣砌築宮祇同陶后土茅之略  
避九成之暑鄙彼甘泉乘三月之和踵於上  
已臣獲隨

龍馭式覩

天心祇奉

隨輦集

卷五

六

明綸載賡巴奏蕪俚不剪難宣醴瑞於堯年祝願  
何窮竊比蒲生夫舜日五言恭賦四律兼成  
碧巘疏靈液虛明湛一泓入階同草色響溜  
作松聲朔野寒堪辟春山暖倍生真看涵育  
遠萬彙荷生成

其二

文母調神處山阿玉輅通丹甍開殿遠白石甃池  
工表瑞稱炎德承歡洽

聖衷茅茨仍不剪樸略有唐風

其三

半嶺駐鳴驂仙源

詔許探沼中浮淑氣空外捲晴嵐  
澗石流仍潔分  
杯味獨甘由來湯谷裏不羨菊花潭

其四

勝日宜登覽川原夕照開  
澗花含宿雨隴麥

坼輕雷前一日地接

園陵近班隨岳牧來太和蒸宇宙遙作五雲堆

上奉

太皇太后行幸溫泉兼巡塞外臣士奇扈從恭紀

金麾玉幟動鳴鑾宮扇開時夾道看淡蕩柳

隨輦集

卷五

七

風初換律龍蔥花氣不驚寒天倫有樂誠非

易

帝孝無涯禮更難此日寰瀛同頌祝呼嵩遙徹五

雲端

其二

晴光藹藹下雲衢喜見

天家禮數殊六膳午調

親捧爵九旂晨動自前驅春深晚葉藏啼鳥風細

輕輪轉相烏藻衛班中偏載筆擬將三輔繼

黃圖

賜遊盤山紀勝

昔讀寰中記茲山勞夢想十年思一遊塵事  
日鞅掌扈蹕過薊門承

恩忭觀賞驅馬踰崔嵬趣途漸深廣縈迴石徑紆  
盤旋下復上山勢兀嶙峋奔崖盡骭髀緩策  
登危峯煩襟爲一爽嚶嚶野鳥鳴汨汨山溪  
響暮春天氣佳小憩在林莽松泉臣所須性  
志本疎朗茫茫屬車塵時曳青藤杖從來箕  
潁心對此聊俯仰

李靖菴

隨輦集

卷五

八

夾天開小徑岸崿隱諸峯黛色千崖石濤聲  
萬壑松林深惟見寺谷靜遠聞鐘虛閣何年  
借聊清塵外蹤

自雙峯寺望上盤山

翠嶽雙峯日已西空山寂寂鳥頻啼依稀樵  
徑無人跡只有花香送馬蹄

其二

松下禪扉報午鐘溪橋路斷白雲封山僧指  
點遙岑寺猶隔巔岼四五峯

雲罩寺

蘿磴雲中出花宮象外懸登臨空大漠呼吸  
逼青天締構神功徼香燈寶地傳無生難可  
問小坐亦泠然

上盤絕頂

千仞聳危岫孤高數上盤扶筇看更險捫葛  
步仍難天外松風落崖邊草色寒塵襟一以  
滌獨立感無端

登舍利塔

穿雲尋雁塔掃石憩山椒晴影臨邊塞天風  
下沈寥斷堦苔半掩廢碣字全銷颯沓聞清

隨輦集

卷五

九

籟鈴聲徹半霄

古中盤

丘壑茲多美流連空復情出山泉決決遷樹  
鳥嚶嚶暝色催歸騎樵歌引客程何如友麋  
鹿日日臥香蘅

正法禪院

一徑入空林重巖秀色深  
麈來青嶂下聊暢  
白雲心澗影留仙蹕山光動

睿吟

戊午九月

上遊中盤寺愛其幽勝  
題詩院內今構於石  
今朝遍幽賞歸路日將

沉

下盤山作

撲面紅塵暗客衣年來蠟屐事全稀却從仗  
外看山色一路題詩歷翠微

扈從登景忠山絕頂應

制

曉仗肅前驅遠峯忽迎面騁目迷烟蘿游鞅  
豁葱蒨偈仄馬難旋鬱紆磴屢變五步十步  
中髣髴樓閣現直上丹梯懸橫題金粉綉天

風引

隨輦集

卷五

十

翠華斯須若奔電峻陟慙微躬傳呼復扶倩憑虛  
迺振衣心悸目猶眩俄驚巔峩間飛翥盡美  
善山光愜

睿情萬靈答隆眷

扈從過三屯營

百雉巖巖古鎮雄野祠多祀戚元戎荒屯黃  
犢耕春雨老樹烏鴉噪晚風壁壘遙分榆塞  
北旌旗曾駐薊門東登壇將略今誰在寂寂  
花開亂草中

駐蹕灤河恭紀

崔嵬帳殿俯清流波影灤洄曉霧收隔岸蒼  
巖開畫障傍筵芳樹隱丹駒銀梭入饌初張  
罍翠釜烹鮮正泊舟爲奉

慈仁心豫悅漫云灞滻作春遊

灤河侍宴應

制

澄波浩浩漾斜暉手捧金螺坐翠微捲幔河  
山來

帝座按圖形勢繞皇畿潛鱗競向頽陽躍白鷺遙  
看破暝飛何幸叨逢瑤水宴身同藻荇沐光

隨輦集

卷五

十一

輝

上奉

太皇太后駐蹕溫泉宮恭紀

離宮湯殿接清虛龍首澄泓暖溜瀦碧草遠  
分貔虎衛紅雲低護鳳鸞輿

天恩自許陪仙仗臣職何堪注起居巖下松蘿烟  
靄合龍蔥佳氣萬年餘

陪祀

孝陵恭紀

峻極開神域潛靈結奧區網緼群象集起伏

衆山趨秀嶺看千疊平陽面一隅豐碑何巖  
窠複道盛規模葱鬱長松古潺湲曲澗紆春  
林花燦爛曉嶂樹扶蘇翹首瞻

陵闕攀髯憶鼎湖肇基弘

帝業闡運握乾符雨露寰瀛洽烽烟率土無萬年  
綿玉曆廿載闕珠襦柏殿丹雲護苔階石馬  
跌遺衣同禹服廟器列商瑚穆穆

皇情遠森森羽衛驅輕風生邃谷薄霧隱崇途拜  
謁微班忝齋誠大禮輸龍門回望處佳氣積

蒼梧

隨輦集

卷五

七

扈從出喜峯口

清蹕出雄關鳴笳歷荒徼夾嶂真天開壁立  
盡奇峭往時設重戍藉此爲險要戰壘虛風  
生孤城斜日照年年荷戈人未得息征調自  
從被

至德遠近奉明詔遂使邊隅民不用驚烽燎喜隨  
萬乘來快哉肆登眺

晚宿白臺

塞行未十里塞景已殊異入目多荆榛亂峯  
含紫翠翹首盼長城萬載嚴邊備連幕宿山

陽迢遙橫晚吹虎嘯巖谷鳴颯颯風隨至幕  
火散繁星周廬環七萃來朝屬車塵應抗凌  
雲志

奉和

御製過黃土崖原韻

黃崖天外削碧樹半空懸徑絕遲歸鳥山空  
聚午烟北來千嶂密西去一關偏

萬乘披襟處風迴百尺巔

奉和

御製過大石磯原韻

隨輦集

卷五

三

山色看多變行程覺漸深花光浮斷岸水氣  
散喬林怪石千雲染攢松萬籟吟

龍鑣成小憩灑墨寄遙心

長城

嬴秦曾設險絕徼營堅城蜿蜒亘萬里形勢  
何崢嶸塹山築雉堞絕壁同雲橫人工旣已  
盡天險巍然成控制接陝右拱抱環燕京疇  
昔邊事嚴老幼苦長征秋聲警哨動夜火邊

烽明

盛朝久息戰四境歌承平石樓烏雀栖亭障荆

棘生但看飲馬窟日落寒潭清

過九狐嶺

六龍乘曉發萬騎陟重岡灌木翳青天亂石縈  
羊腸縱橫澗水流隱約山花香山花非一狀  
紅紫含芬芳更有青楓樹嘉蔭凝衣裳仰面  
觀奇峯怪石紛低昂時當四月初猶覺山風  
涼曠然心眼豁不似披遐荒兼旬實壯遊塵  
慮爲之忘

黃土巖

何年鑿山骨屹立疑千尋徒倚不可卽駐馬

隨輦集

卷五

十四

空沉吟藤梢與葛刺蒙密何陰森懸崖支一  
木微徑通欹欹巖扉有遺跡邈矣烟霞深杳  
靄青松際白雲迷至今

寬城是明宣宗駐蹕處

山川盡逼仄草樹更蒙茸行行忽開廣疑有  
城郭蹤西南倚峭壁土阜餘高墉傳是翠華  
駐彷彿門兩重草中見堦城石罅山花穠當  
年辟疆土此地陳軍容裹糧驅戍卒打火起  
邊烽今逢

聖人出萬里皆提封

駐蹕寬城北五里水次

省方入遠疆駐蹕蒼崖裏崖下俯長河波瀾  
最清駛娟娟三兩峯掩映雲霞紫微風響磳  
松殘陽下流水幽賞平生懷對此翻然喜捲  
幔息銀燭愛看山月起

將出達希喀布齊爾口道中作

衆山向背殊峯峯自廻互石上漾清泉山根  
叢茂樹咫尺誤行蹤往來遵細路灣環數十  
轉潺湲八九渡林花雜春夏風景變朝暮勝  
攬意不忘塞行有深趣

隨輦集

卷五

五

隨輦集卷第五終

隨輦集卷第六

日講官起居注詹事府少詹事兼翰林院侍講學士高士奇

車駕出達希喀布齊爾口喀爾沁廓爾沁諸部

落率其所屬伏迎道左

直北幽崖早向誠不須更築受降城職方記  
載梯航路王會傳呼拜舞聲紅綻邊花迎雉  
扇青搖巖樹轉龍旌太平遊幸非征伐豈是  
元封自勒兵

從獵

蒼山萬疊雨初晴

寺月兔射

隨輦集

卷六

來誇技絕星狼追

翠翎中

坐隊入鵝黃褶裏行十二羽林皆健將只容

款段一書生

臣班在親隨侍衛之列

月夜望塞外山川

行漏宵嚴夜月明萬山絡繹影縱橫清添鳳  
拍吹笳壯光動龍堆牧馬驚紫塞蒼蒼綿大  
漠黃榆歷歷暗長城天教此地分中外秦漢  
徒多用武名

駐蹕巴爾漢湯泉畱憩

泉較遵化更熱

夕照下西嶺平楚生荒烟千旗散晚獵萬馬

奔前川忽看碧草際一水流濺濺深澗轉澄  
徹煖氣如沸煎少坐濯塵纓云是古湯泉遠  
聽鏡吹發帟幕燈光懸四望盡暝色圓月明  
山巔

射虎行

并序

十六日平明巡徼者報夜來虎至營中傷一  
驪馬尚在山前

上率侍衛往射殪之恭紀

皇輿蕩蕩界崇古

玉輦時巡歷茲土廻

唐

言  
森林木

隨輦集

卷六

不知午千騎萬乘

殿山之塢

月上忽聞群馬驚傳道山前出猛虎曉看一  
馬果摧折血肉淋漓去兩股

龍鑣飛鞚陟層崖禁林衛士挾弓弩撝巖剔藪  
無幾時一箭橫胷洞肺腑遠人手額復戰栗  
跽言此虎爲患苦道傍白日每捕人傷殘行  
旅莫可數幸茲惡劣得剪除當代

君王果神武從來射虎多耳聞何似臣今得目覩  
因歎蠢頑本不靈貪饕無厭乃自取不然長  
林豐草間餐眠何畏施網罟殺人安人王者

心卽此推之澤自普

扈從雜紀

古人邊塞吟但道沙場苦誰知遠徼外峯崖  
更參伍地腴苜蓿肥山幽松樹古若令勤耕  
織其益豈小補葦幕山之陽終歲牧牛殺近  
稍敦禮義漸識規矩偃僂謁道隅趨將申  
拜舞欣看古甌脫今受王化撫

其二

空山狐兔群終歲少人跡叢條蔽遠岡墮葉  
堆荒澤首夏猶苦寒邊風日將夕夜雨聲瀟

隨輦集

卷六

三

瀟燈光暗油碧雲黑峯巒沉但見炊烟白

其三

喬松千餘株枝枝盡奇矯遠望青岑邊似在  
白雲表雨過林壑清天空初日曉羽騎來驟  
驪霓旌更飄緲迤邐入山谷細路歷深窅終  
日臨高峯嶽崎復盤遶回首顧榆關萬山青  
不了方知地軸雄結構非藐小

其四

人生宇宙間志願當何如不行萬里路卽讀  
萬卷書早歲慕五嶽中年困窮居耳目苦未

廣懷抱慙空虛。鳴鑣隨禹載。攬轡觀皇輿。出  
境雖不遙。閱歷皆異墟。朝朝扈

蹕行。非是勞征車。詩成傲往彥。徒見征伐餘。

賜宴喀爾沁諸部落恭紀

黃幄高張羽衛陳。遐方述職盡稱臣。金螺酒禮  
頒三爵。寶椀茶膏遍一巡。問俗遠同虞出狩。  
要盟欲笑漢和親。長城有險休重設。至治從  
來守四鄰。

賜賚喀爾沁及諸部落恭紀

帝澤從容被八埏。精鏐文織散窮邊。應羞使者通

隨輦集

卷六

四

西域何用將軍款。右賢錦繡平添林嶠色。雲  
霞四映塞垣天。賈生五餌終迂論。王道平平  
自可傳。

過大石磯行雨中

流雲浮晶晶。山川雜烟霧。出沒多奇峯。穹窿  
各吞吐。驅馬上懸崖。崖傾馬驚顧。百里盡蒙  
密。杳靄失前路。古道幾登頓。亂流繞深樹。活  
活雨脚低。隱隱雷聲布。澗外起長虹。旌旂閃  
薄暮。

曉行將入喜峯口新霽

雲際露山頂青林來日光曉從

六龍行高下逾重岡巖花落未殘  
磴道餘芬芳  
鳥聲辨關樹人語如故鄉  
饒歌清吹發遠風  
旌旆揚鑿鑿萬仞餘鬱崑臨大荒  
歷茲戰鬪  
地壯士顏慨慷願施造化功  
處處知耕桑

過遵化

突兀孤城倚重邊  
堠臺瞭館尚依然  
將軍舊幕銷戈甲  
開府虛堂剩管絃  
耕鑿已安全  
盛日輓輸猶說亂  
離年遙瞻王氣

陵園近瑞麥青青遍野田

隨輦集

卷六

五

上自溫泉宮奉

太皇太后回鑾恭紀

芝蓋華旂曙色分  
花光山翠早迎薰  
塵銷輦路初經雨  
柳暗官城半拂雲

尊養靈泉來祓濯  
寬租窮戶重耕耘

詔所過之地  
免今年租賦

車音噦噦還鑣處  
鸞鶴紛飛下紫雲

黃花山

青蒼百仞截雲孤  
守險曾經却萬夫  
古戍有樓惟舊壘  
防秋立寨只長榆  
兵銷治世耰鋤  
滿路近空村  
雞犬無一自八荒  
歸雨露邊陲

萬里盡亨衢

再遊盤山

上以臣前遊未盡其勝  
命再往遊焉

暮春陟崇阿山靈謝客久迴車重逡巡修復  
中夏首取徑異疇昔髣髴尋谷口緒風從南  
來泉聲清且瀏繁英過眼新密蔭解襟受感  
此節物遷行行歷岡阜石人坐藤蘿招我若  
舊友四山空翠來盤礴豁兩肘對之澄萬慮  
身世渺何有側足天地間烟雲結櫺牖顧茲  
塵外游屢許鞅掌後飛躍任羽鱗睠焉撫高

隨輦集

卷六

六

厚

淨業庵

往者度遙岑忽焉日將夕耽幽殊未窮茲來  
理輕策傑閣霄際穿踈櫺樹杪隔隱翳勢若  
藏攀躋境迺闢老僧畏送迎相顧始肅客能  
吹松火紅亦煮澗泉白攬衣席空階閒雲生  
咫尺下嶺望前旌迢遙踰紫陌

扈從還京

艾白蒲香五月天歸時清夢擬遊仙新詩句  
句關山壯何似前人羽獵篇

病中紀

恩并序

臣士奇自六月十一日感熱病嘔噦不寧癰疹並作譫妄昏迷蒙

皇上軫念有加日遣御醫診視御藥房給藥調治  
又蒙

遣中使賜問

御札慰諭

恩給頤養之資慎攝月餘幸獲痊可則臣今日餘

生孰非

隨輦集

卷六

七

皇上再造哉甦復之後感恩泣下爰成蕪律用紀  
弘慈力疾濡毫語無倫次惟

聖明垂察云爾

歷載趨

彤陛彌年直紫宸

天顏朝夕近

帝眷歲時頻忽訝危疴至難將薄力陳支離違寢

食贖眊失宵晨

魏闕懸雲表心旌蕩水濱四愁空自賦七發竟

誰詢何幸邀

殊寵

垂慈及小臣，名醫仙禁出。靈藥上池珍，秘術傳陽  
慶奇方，邁越人。隔垣窺自得，續命效旋臻。况

沐

恩如海，還瞻澤似春。中官連日遣

御札十行諄，煜煜朱提燦煌煌。

藻墨新拖紳，當舞蹈。伏枕敢逡巡，頤養

綸言切愚誠。

睿鑒親舉家，皆感泣。瞬息起沈淪。

再造真無量，餘生信有神。涓埃終欲竭，悃悞豈忘

隨輦集

卷六

八

申禁地，懷青瑣。孱軀託大鈞，長鳴同仰秣。覆

戴朗秋旻

平滇南詩 并序

十一月十三日夜滇南奏捷 臣 士奇謹同學

士 臣 張英至

乾清宮

御榻前叩首稱賀

皇上天顏欣暢諭 臣 等曰：朕仰邀

天眷，四方大定。今日誠爲天下社稷而喜，但念用

兵八年，道路轉輸，黎民困苦，又復惻然於衷。

大哉

王言當乾坤再造慶出非常之時乃以一夫不獲  
爲念此

皇上好生之德上感

天心式開億萬年無窮之太平也臣在光天化日

之下愛戴難名旣撰

聖德神武頌奉颺鴻業抃舞之私有所未盡更賦

七言近體八章進呈

御覽雖蕩蕩巍巍莫罄萬一而鼓吹之曲衢壤之

謠均有所不能已爾

隨輦集

卷六

九

葭飛玉琯一陽回快聽天南捷奏來魚鑰特  
傳宵禁啓鳧鐘催動曙光開萬年正朔占庠

曆六字同文本

睿裁孝慰

兩宮情備洽殿庭懽忭擁春雷

其二

百道軍符赤羽飛同時閩粵載

天威鯨山甲帳先輸欵珠水樓船又解圍破竹已

知長策在投鞭旋報凱歌歸頻年戍鼓依楊

柳六月還須奏采薇

其三

曾聞漢室遣中郎，建節苴蘭道路長。絡繹雲  
車看載旆，喧闐露布喜飛章。昆明池斂波濤  
氣，玉案山懸日月光。干羽舞時  
文德遠，曾天何處不來王。

其四

鳴笳疊鼓剗孤城，滿路壺漿市不驚。梟獍已  
摧餘孽盡，櫓槍直掃宿氛清。牂河南去通重  
譯，阿剌西來罷遠征。野老扶藜歌

帝澤熙熙皞皞樂昇平

隨輦集

卷六

十

其五

宵衣旰食切

宸衷將帥無慙授，鉞隆傳檄烏蠻恢絕域。勒銘鐵  
柱紀神功，藁街已見誅元濟。輦轂喧聞殪李  
雄，晉李雄叛於寧州，即今雲南府。從此  
至尊南顧釋，羽書不到建章宮。

其六

雙龍闕下布絲綸，泰運重開宇宙新。頓起瘡  
痍，恩似海弘敷雨露，物皆春。九州治績須群  
吏，萬姓歡歌賴

一人省却軍供民力緩借籌不用度支頻

其七

獨秉乾符執太阿功成洱海定干戈任人自有裴中立克敵重看馬伏波玉律千秋新歲月金甌一統舊山河小臣咫尺瞻

天近倍覺

龍顏霽色多

其八

欣從香案侍彤雲司馬慙無論蜀文青笮風謠時欲獻碧雞典禮意徒殷寰中鳳綉傳

隨輦集

卷六

十一

新詔閩外龍韜策上勲珥筆但將鏡吹譜賡颺常

戴

聖明君

壬戌上元前一日

賜群臣宴於

乾清宮

命倣栢梁體詩

御製序文發端首倡在廷以次賡和成篇

臣士奇

亦與末坐宴歸恭紀

洗甲昆明水昇平化域中衢樽娛萬姓鎬宴

洽群工

睿藻金聲發昌言玉振同更看闔闔下絲管逐春風

其二

節近傳柑日長筵內殿開共承雲表露分入掌中杯逸韻伴風雅葩詞遜體裁明良會深意不起柏梁臺

二月初八日恭進

太皇太后七十聖壽詩

并序

蓋聞大坤育德配蒼昊以無疆寶婺鍾祥巨

隨螿集

卷六

十一

古今而有耀是以虹流華渚啓聖實首夫三皇電繞星樞生孫亦尊爲五帝况乃斂箕疇之福壽本天開際泰堦之平孝由聖篤尊養非徒一世熾昌遂卜千秋伏念我

太皇太后文母齊徽譽妃婉德式佐我

太宗文皇帝功仁積累奄有東方誕育我

世祖章皇帝順應天人光宅中夏暨我

皇上受維皇之峻命膺下武之丕基靖爾多方守

成實兼開創昭茲來許

聖子復有

神孫凡茲繼序其皇慶流宗社孰非思齊之化佑  
及世年茲當二月吉辰恭遇七旬

聖壽我

皇上本孝而益推其孝因親而展篤其親已於舊  
歲之嘉平崇二字之寶號還乘初度之攬揆  
進萬年之霞觴上奉

皇太后之孝慈廣為思媚下體衆臣民之忭豫大  
其承歡輦六宇之金甌為酌池邊仙醴調四  
時之玉燭以增天上瑤光洵振古之隆規為  
孝思之極則臣躬逢盛事敢謝蕪言爰因拜

隨螯集

卷六

三

舞之餘竊效啁啾之響撰為近體詩十章奉  
揚駢社載紀

鴻庥謹錄進呈上塵

御覽雖巴人曲陋固無當於一時而華祝情殷實  
有期於靡盡云爾

昇平玉燭萬年枝喜遇

慈仁上壽時九陌晴雲同拜舞願將海水注金卮

其二

節屆中和鳳曆遙青陽淑氣轉芳椒宮中

文母傳思媚捧出霞觴在絳霄

其三

金根法駕久承歡  
曉色銅龍數問安  
睿藻親曾裁景福  
新年綵袖復團圞

其四

寶冊琅函號洊加  
還看真誥啓雲華  
尊親聖代原無兩  
海內春臺共一家

其五

銀潢九派接長河  
四世承顏富壽多  
膝下重輪開玉葉  
相隨

日馭舞婆娑

隨輦集

卷六

十四

其六

若木千枝燕翼勞  
維城

宗子奏龍韜  
西南遙望春暉祝  
喜見天邊寶婺  
高

其七

千官鵠立向墀頭

蘭殿氤氳瑞靄浮  
雉尾雙開簾正捲  
一聲臚拜慶長秋

其八

碧桃紅杏賞年光  
傳道瑤池會始長  
萬戶笙

歌稱

壽母宜春院裏百花香

其九

微臣昨歲侍璇臺，曾奉春遊扈

蹕回。記得玻璃霑玉醴，至今猶醉萬年杯。

其十

八葉堯夔麗日遲，雲深長樂正含飴。  
鸞坡珥筆慙何補，彤史惟懷頌

母儀

隨輦集

卷六

五

隨輦集卷第六終

